

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) 2017/2446****2020/EES/50/65****frá 19. desember 2017****um breytingu á reglugerð (ESB) 2016/1368 um að taka saman skrá yfir mjög mikilvægar viðmiðanir sem notaðar eru á fjármálamörkuðum samkvæmt reglugerð Evrópuþingsins og ráðsins (ESB) 2016/1011 (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2016/1011 frá 8. júní 2016 um vísitölur sem notaðar eru sem viðmiðanir í fjármálagerningum og fjárhagslegum samningum eða til að mæla árangur fjárfestingarsjóða og um breytingu á tilskipunum 2008/48/EB og 2014/17/ESB og reglugerð (ESB) nr. 596/2014 <sup>(1)</sup>, einkum 1. mgr. 20. gr.,

*og að teknu tilliti til eftirfarandi:*

- 1) Viðmiðanir hafa mikilvægu hlutverki að gegna við ákvörðun á verði margra fjármálagerninga og fjárhagslegra samninga og við mælingu á árangri margra fjárfestingarsjóða. Framlag til viðmiðana og stjórnun þeirra er í mörgum tilvikum viðkvæm fyrir hagræðingu og aðilar sem eiga hlut að máli standa oft frammi fyrir hagsmunaaðrekstrum.
- 2) Til að gegna efnahagslegu hlutverki sínu þurfa viðmiðanir að vera dæmigerðar fyrir undirliggjandi markað eða þann efnahagslega veruleika sem þær endurspeglar. Ef viðmiðun endurspeglar ekki lengur undirliggjandi markað, s.s. millibankavexti, er hætta á neikvæðum áhrifum m.a. á heildarvirgni markaðar, fjármögnun heimila (lán og veðlán) og fyrirtæki í Sambandinu.
- 3) Áhættan fyrir notendur, markaði og efnahag Sambandsins eykst gjarnan ef heildarvirði fjármálagerninga, fjárhagslegra samninga og fjárfestingarsjóða, sem vísa í tiltekna viðmiðun, er hátt. Með reglugerð (ESB) 2016/1011 er því komið á mismunandi flokkum viðmiðana og kveðið á um viðbótarkröfur sem tryggja heilleika og traustleika tiltekinna viðmiðana sem teljast vera mjög mikilvægar, þ.m.t. vald lögbærra yfirvalda til að fela einhverjum framlög til mjög mikilvægrar viðmiðunar eða stjórnun hennar við tilteknar aðstæður.
- 4) Viðbótakröfurnar og vald lögbærra yfirvalda að því er varðar stjórnendur mjög mikilvægra viðmiðana krefst formlegs ferlis fyrir ákvörðun á mjög mikilvægum viðmiðunum. Í samræmi við 1. mgr. 20. gr. a reglugerðar (ESB) 2016/1011 telst viðmiðun vera mjög mikilvæg viðmiðun ef hún er notuð beint eða óbeint í samsetningu viðmiðana sem tilvísun fyrir fjármálagerninga eða fjárhagslega samninga eða til að mæla árangur fjárfestingarsjóða, sem eru að heildarvirði a.m.k. 500 milljarðar evra á grundvelli allra mismunandi lífúma viðmiðunarinnar, eftir atvikum.

(\*) Þessi ESB-gerð birtist í Stjtuð. ESB L 346, 28.12.2017, bls. 1. Hennar var getið í ákvörðun sameiginlegu EES-nefndarinnar nr. 238/2019 frá 27. september 2019 um breytingu á IX. viðauka (Fjármálaþjónusta) við EES-samninginn (bíður birtingar).

(1) Stjtuð. ESB L 171, 29.6.2016, bls. 1.

- 5) Libor-vextir (e. *London Interbank Offered Rate*) mæla ótryggða millibankavexti í fimm gjaldmiðlum, þ.m.t. evru, með sjö mismunandi líftímum á bilinu dagvextir til tólf mánaða. Þeir eru ein mikilvægasta vaxtaviðmiðun á heimsvísu. Þeir eru notaðir sem breytilegir vextir fyrir marga fjárhagslega samninga, frá vaxtaskiptasamningum til námslána, veðlána og fjármögnunargerninga fyrirtækja.
- 6) Hið breska Financial Conduct Authority (FCA) hefur auðkennt um 156 800 milljarða bandaríkjadala í OTC-afleiðum sem notuðu Libor-vexti sem viðmiðun í október 2016.
- 7) Að auki bendir FCA á að Libor-vextir séu mikilvæg viðmiðun í afleiðum sem viðskipti eru með á viðskiptavettvangi, skuldabréfum og skuldamörkuðum fyrirtækja, og að þessar áhættuskuldbindingar skipti máli að því er varðar kerfisáhættu og raunhagkerfið.
- 8) Skránni yfir mjög mikilvægar viðmiðanir, sem komið er á með framkvæmdarreglugerð framkvæmdastjórnarinnar (ESB) 2016/1368 <sup>(1)</sup>, ætti því að breyta með því að bæta við Libor-vöxtum.
- 9) Í ljósi mikilvægis Libor-vaxta fyrir millibankamarkaði og mikils fjölda fjármálagerninga í Sambandinu sem vísa í þá ætti þessi reglugerð að öðlast gildi sem fyrst.
- 10) Í samræmi við 1. mgr. 20. gr. reglugerðar (ESB) 2016/1011 er gildissvið þessarar reglugerðar háð því að stjórnandinn, sem gerir mjög mikilvæga viðmiðun, sé staðsettur í Sambandinu.
- 11) Ráðstafanirnar, sem kveðið er á um í þessari reglugerð, eru í samræmi við álit evrópsku verðbréfanefndarinnar.

SAMÞYKKT REGLUGERÐ ÞESSA:

1. gr.

Í stað viðaukans við framkvæmdarreglugerð (ESB) 2016/1368 kemur viðaukinn við þessa reglugerð.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 19. desember 2017.

Fyrir hönd framkvæmdastjórnarinnar,

Jean-Claude JUNCKER

*forseti.*

---

<sup>(1)</sup> Framkvæmdarreglugerð framkvæmdastjórnarinnar (ESB) 2016/1368 frá 11. ágúst 2016 um að taka saman skrá yfir mjög mikilvægar viðmiðanir sem notaðar eru á fjármálamörkuðum samkvæmt reglugerð Evrópuþingsins og ráðsins (ESB) 2016/1011 (Stjórið. L 217, 12.8.2016, bls. 1).

## VIÐAUKI

**Skrá yfir mjög mikilvægar viðmiðanir skv. 1. mgr. 20. gr. reglugerðar (ESB) 2016/1011**

Númer	Viðmiðun	Stjórnandi	Staðsetning
1	Euribor-vextir (e. <i>Euro Interbank Offered Rate</i> (EURIBOR®))	Peningamarkaðsstofnun Evrópu (e. <i>European Money Markets Institute</i> (EMMI))	Brussel, Belgíu
2	Millibankadagvextir í evrum (e. <i>Euro Overnight Index Average</i> (EONIA®))	Peningamarkaðsstofnun Evrópu (e. <i>European Money Markets Institute</i> (EMMI))	Brussel, Belgíu
3	Libor-vextir (e. <i>London Interbank Offered Rate</i> (LIBOR))	ICE Benchmark Administration (IBA)	London, Bretland